

viii.° lvii.

(...)

Bail de besoigne, de Nogarede / Fonvieille

L an mil six cens vingt sept et le quatorziesme jour
du moys de decembre apres midy dans ma boutique
en villemur etc regnant louis etc pardevant moy
notaire et tesmoingz bas nommés personnellemant

et advenu le xxviii^e
d octobre m vi^e vingt
huict avant midy
au lieu regnant et
pard(evan)t quy dessus
establys en personnes
le susd(it) benech &
fonvieille quy de
gré ont declare
avoir este satisfait
de part et d'autre a la
teneur du susd(it) ins(trumen)t
& partant consentent
a la cancell(ation) d icell(uy)
p(rese)nz jean arnaud
bourgeois et ysaac
seigne et de moy not(aire)

Benech

Arnaud, p(rese)nt

Seigne, p(rese)nt

Bascoul
not.

estably francois benech marchant de th(ou)l(ous)e faizant pour
et au nom de noble estienne de sers sieur de saignes ^{l'&l} nogarede
absent lequel de gré baille a francois fonvieille
charpentier de villemur illec present et acceptant a faire
les repara(ti)ons cy apres declairées et soubz les
condi(ti)ons suivantes premierement sera tenu led(it)
fonbielhe de recouvrir le toit ~~du chasteau~~ et escurye
du chasteau dud(it) saignes et de pozer deux chevrons
a la galerye dud(it) chasteau du costé de l entrée d icell(uy)
comme ausy de mettre deux solles et resfaire le corondat
de la grange quy est au devant led(it) chasteau estant le tout
vieux et pourry et d y remettre etou reste les portes necess(aires)
item sera tenu led(it) fonbielhe de reparer le degré de la
metterye des constances et attacher les marches avec
de chevilles de fer, pozer une couronde a la galerye
de lad(ite) metterye au lieu et place de la vieilhe quy est
gastee et pourrye comme aussy de pozer une autre
couronde au dessoubz la gallerye et mettre les portes
necess(ai)res a l entree de l estable d icelle metterye laquelle
ensemble la grange et estables en deppandans il recouvrira
plus sera tenu led(it) fonbielhe ~~d'oster~~ d'hoster troys
chevrons vieux et pourris quy sont aux deux estab(les)
de la metterye de la combe sçavoir deux a cell(e) des vrebis (*lire : brebis*)
et un a cell(e) quy respond du costé du levant ou il remet(t)ra
troys autres chevrons fera un corondat tant plain que
vuide a lad(ite) metterye du costé de ...(*omis*)... et reco(u)vrira
le toit tant de lad(ite) metterye que estables d icelle
finallement sera tenu icell(uy) fonbieille de recouvrir
le toit de la metterye basse et estables d icelle depandans

viii.° lviii.

dud(it) chasteau de saignes aux endroictz que sera besoing
et d avoir le tout fait et parfait bien et duemant
travailhé le plustost que sera pos(s)ible sans soy
disvertir a autre besoigne pour lequel esfect
il comancera lad(ite) besoigne la sepmanche prochaine
precizemant a la charge par led(it) benech de fournir

et luy faire rendre a pied d oeuvre tous les
materiaux requis et necess(air)es sans que led(it) fonvielhe
soict de fournir que la main tant seulemant
moyenant le prix et somme de sectze livres
tournois payable sçavoir la moityé a demy
besoigne et l autre moityé l hors qu icelle besoigne
sera faicte et parachevée et qu icelle sera receue
et agreée laquelle reception de besoigne se fera
a la premiere requi(siti)on de l une ou de l autre des
partyes auquel esfect et de tout ce dessus
icelles partyes ont obliges et ypotheques
sçavoir led(it) bebec les biens dud(it) sieur de nogarede
et led(it) fonvielhe les siens popres meubles
imeubles presens et advenir qu ilz ont soumis
aux rigneurs de justice avec les ren(onciati)ons
de droict requizes et l ont jure a dieu par
seremant presens jaques estienne mondet
marchant et pierre godin pra(tici)en de vill(emur) habitans
soubz(sig)nes avec led(it) bebec et moi not(aire) requis
led(it) fonvielhe ne scait /

Godin, p(rese)nt

Estienne, p(rese)nt

Beneich